

Қожа Ахмет Ясауи атындағы Халықаралық қазақ-түрік университеті
«Ақпараттық – коммуникациялық технологиялар» даярлау бағыты бойынша
Академиялық Комитет мәжілісі
№4 ХАТТАМАСЫ

Кентау қаласы

19.06.2025 ж.

Қатысқандар: АК төрағасы, PhD, аға оқытушы Жунисов Н.М., п.ғ.к., Алиева А.О., Амиртаев К. Б. - аға оқытушы, Садыбеков Р.Ш. - аға оқытушы, Искендірова Г.С.- аға оқытушы, Байжанов М.Д. - «Ұлттық ақпараттық технологиялар» АҚ Түркістан облысы бойынша өкілдігінің басшысы, Абен А.Б.- 8D06115-Ақпараттық жүйелер ББ докторанты, Исаков Д. - 7M06128- Ақпараттық жүйелер ББ магистранты, Абдіхалық А.Ш. -6B06151- Ақпараттық жүйелер ББ студенті.

КҮН ТӘРТІБІНДЕ:

1. Сапаның сыртқы қамтамасыз ету процедураларын ұйымдастыру, нәтижелерін талдау, есеп дайындау.
2. «Атамекен» білім беру бағдарламаларының рейтингтерінің қорытындысы бойынша сараптама жүргізу
3. Сәуір, мамыр, маусым айларында атқарылған іс шаралар нәтижесін талдау, академиялық комитеттің жылдық есебін талқылау және бекітуге ұсыну

Тыңдалды:

Күн тәртібіндегі мәселелер бойынша АК төрағасы Н.М.Жунисов: Сәлеметсіздер ме АК мүшелері, бүгінгі отырыста қаралатын мәселелер: Сапаның сыртқы қамтамасыз ету процедураларын ұйымдастыру, нәтижелерін талдау, есеп дайындау, қолданыстағы ББ шеңберінде жұмыс берушілермен кездесу ұйымдастыру, пікірлерін тыңдау.

«Атамекен» білім беру бағдарламаларының рейтингтерінің қорытындысы бойынша сараптама жүргізу.

Сәуір, мамыр, маусым айларында атқарылған іс шаралар нәтижесін талдау, академиялық комитеттің жылдық есебін талқылау және бекітуге ұсыну болып табылады.

Осы мәселелер бойынша жасалып жатқан жұмыстарды талқылап өтсек.

АК мүшесі, Садыбеков Руслан Шаралбаевич. бірінші мәселе бойынша: Сапаның сыртқы қамтамасыз етілу рәсімдері жоғары оқу орындарындағы білім беру бағдарламаларының сапасын арттыруда маңызды стратегиялық құрал болып табылады. Бұл университеттің ішкі сапа менеджменті жүйесінен тыс, тәуелсіз аккредиттеу агенттіктері, соның ішінде Аккредиттеу және рейтингтің тәуелсіз агенттігі сияқты ұйымдар арқылы жүзеге асырылады. Сыртқы бағалау механизмдері оқу үдерісінің сапасын бейтарап әрі кәсіби сарапшылардың көмегімен жан-жақты және объективті түрде талдауға мүмкіндік береді. Әрбір білім беру бағдарламасы бойынша ұсынылатын құжаттар мазмұны мен құрылымы жағынан нақты талаптарға сай болуы және қолданыстағы стандарттарға сәйкес рәсімделуі тиіс. Сонымен қатар, сыртқы бағалау нәтижесінің сапалы әрі толық жүзеге асырылуы көп жағдайда кафедра ұжымының белсенділігі мен жауапкершілігіне тікелей байланысты екені атап өтілді.

Шешім: Сапаның сыртқы қамтамасыз ету процедуралары ұйымдастырылып, нәтижелері талданды, есеп дайындалды.

АК мүшесі, Амиртаев Канат Батталович екінші мәселе бойынша: Қолданыстағы «6B06151-Ақпараттық жүйелер», «6B06182-Компьютерлік инженерия», «6B06181-Ақпаратты өңдеу және визуализациялау», «7M06128-Ақпараттық жүйелер», «7M06146-Компьютерлік инженерия», «8D06115-Ақпараттық жүйелер» ББ ББ шеңберінде жұмыс берушілермен, яғни Хайтек ЖШС директоры Юсупов Ахметпен, «Ұлттық ақпараттық технологиялар» АҚ Түркістан облысы бойынша өкілдігінің басшысы Байжанов Мұрат Давлетбекұлымен кафедра ОПҚ кездесу ұйымдастырды, жұмыс берушілердің пікірлері тыңдалды. Қазіргі заманғы білім беру жүйесінде жұмыс берушілермен өзара әрекеттестік – білім беру бағдарламаларының сапасын арттырудың маңызды бөлігі болып табылады. Осыған байланысты қолданыстағы білім беру бағдарламасы шеңберінде жұмыс берушілермен кездесу ұйымдастыру – еңбек нарығы талаптарына сай маман даярлауды қамтамасыз етудің тиімді тәсілі екенін айта аламыз. Жұмыс берушілермен кездесулердің мақсаты – жұмыс берушілерден кері байланыс алу, олардың талаптары мен ұсыныстарын ескере отырып, оқу үдерісіне түзетулер енгізу. Жұмыс берушілер оқу бағдарламасының мазмұнына, түлектердің кәсіби дағдыларына, тәжірибелік дайындық деңгейіне қатысты өз пікірлерін білдірді.

Кездесу барысында

- жұмыс берушілер қазіргі маманға қойылатын талаптар нақтыланды,
- бағдарламаның практикалық бағыттылығы талқыланды;
- өндірістік тәжірибе және бірлескен жобалар секілді мәселелер қарастырылады;

Жиналған пікірлер мен ұсыныстар білім беру бағдарламасын жетілдіруге, жаңа элективті пәндер енгізуге, практикалық компоненттерді күшейтуге және жұмысқа орналасу мүмкіндіктерін арттыруға бағытталды. Жұмыс берушілермен жүйелі түрде кері байланыс орнату – жоғары оқу орындарының еңбек нарығына бейімделген, бәсекеге қабілетті мамандар даярлау жолындағы маңызды қадамдарының бірі екендігіне көз жеткізілді.

Шешім: Қолданыстағы ББ шеңберінде жұмыс берушілермен кездесу ұйымдастырылып, пікірлері тыңдалды.

АК мүшесі, Искендірова Гүлзипа Сарыбайқызы үшінші мәселе бойынша: «Атамекен» білім беру бағдарламаларының рейтингтерінің қорытындысы бойынша сараптама жүргізу.

«Атамекен» Қазақстан Республикасының Ұлттық кәсіпкерлер палатасы Қазақстан Республикасының жоғары және жоғары оқу орнынан кейінгі білім беру ұйымдарының 2025 жылғы білім беру бағдарламаларының рейтингісінің қорытындысы бойынша кафедраға қарасты ББ бойынша «6B06151-Ақпараттық жүйелер» ББ-сы 55 ЖОО арасынан 31 орынға орналасты. Бұл көрсеткіш былтырғы жылға қарағанда алға жылжу бар. Көрсеткіштердің салыстырмалы түрде төмен болуы түлектердің жұмысқа орналасу деңгейі мен жалақының төмен болуы есебінен орын алғандығы байқалады. Алдағы уақытта бітіруші түлектермен барыншы байланыс орнатып жұмыс жасау үшін жоспарлар құрылды.

Шешім: «Атамекен» Қазақстан Республикасының Ұлттық кәсіпкерлер палатасы Қазақстан Республикасының жоғары және жоғары оқу орнынан кейінгі білім беру ұйымдарының 2025 жылғы білім беру бағдарламаларының рейтингісінің қорытындысы талданды.

АК мүшесі Алиева Ақбаян Орынбаевна Құрметті АК мүшелері сәуір, мамыр, маусым айына жоспарланған жұмыстардың барлығы орындалды деп есептеуге болады. Оның ішінде сапаның сыртқы қамтамасыз ету процедуралары ұйымдастырылып, нәтижелері талданды, есеп дайындалды, қолданыстағы ББ шеңберінде жұмыс берушілермен кездесу ұйымдастырылып, пікірлері тыңдалды, «Атамекен» білім беру бағдарламаларының

рейтингтерінің қорытындысы бойынша сараптама жүргізілді. Жоспар бойынша жұмыстар өз деңгейінде орындалып жатқындығын айтқым келеді.


Кафедраға қатысты білім беру бағдарламалары «Жоғары білім берудің бірыңғай платформасы» жүйесіне (<https://ervo.kz/>) «6B06151-Ақпараттық жүйелер», «6B06182-Компьютерлік инженерия», «7M06128-Ақпараттық жүйелер», «7M06146-Компьютерлік инженерия», «8D06115-Ақпараттық жүйелер» жаңартылар бойынша ендіріліп, қабылданды.

Жаңа бб ашу бойынша «6B06198 Жасанды интеллект және деректерді талдау» білім беру бағдарламасы жасалып, жүйеге ендірілді, қазіргі таңда жүйеде қаралуда тұр.

Шешім: Сәуір, мамыр, маусым айында атқарылған іс-шаралар қабылдансын.

Ақпараттық – коммуникациялық технологиялар
даярлау бағыты бойынша
Академиялық комитет төрағасы:

/ Хатшы:



Н.М.Жунисов



Г.С.Искендірова